

# 中華全國風俗志 上篇卷一

## ▲順天

### ●總志

順天府屬州縣二十有四。星羅棋布。壤接趾錯。風尚不殊。然諺云。百里不同風。千里不同俗。霸文偏於南。與保定河間相似。昌密偏於北。與宣化永平相似。寶甯富庶。俗尚奢靡。平懷狹隘。民情兇鄙。大同之中。不無微判。豈甄其岐尚者。著於篇。以備在位者。問俗采風。於以補偏救弊云爾。

順天戶口繁富。民風篤實。加以地多磽薄。人近樸陋。距京師數十里。卽棲茅啜菽。一如窮鄉僻壤。西北多山。民習勤苦。東南多水。民憂汜濫。惟通州武清。下接津沽。近年各國通商。輪船翔集。大艚長舸。百貨菁萃。民食其利。富厚日形。然華而不靡。勤而不惰。知得於觀感者深矣。州縣志類多追述前徽。有可諷世勸民者。如寶坻洪志曰。知縣洪肇楸。適軍糧。就大路。見一樵者。遺袋。問之。掖至輿前。問曰。此何地名。曰。不知爾。

住何莊。曰不知。爾何姓名。亦曰不知。蚩蚩木立。洪笑而釋之。去數武。復踴望而笑。洪歎曰。甚哉。民之醇也。其不見官吏也久矣。宜其始則茫茫然驚。繼則嘻嘻然樂也。美哉俗乎。范書載劉寵爲會稽太守。狗不夜吠。民不見吏。龐眉皓髮之老。未嘗識郡朝史之所稱。豈不懿哉。若夫役繁訟多。終歲之勤。半在官府。雖欲其愚。不可得矣。水滸周志曰。東鄉濱河。河東韓邨陳各莊一帶。地土礮瘠。多沙城。不宜五穀。居民率種柳樹。柳之大者。伐薪爲炭。細者折其柔枝。編織柳器。貧民往往賴之。凡採柳在夏秋之交。早則液潤而天遲則疎燥而強。皆不中於束縛。大者爲筐。可容石許。小者或類盤盂。方圓徑二寸。量其工力繁約。而計其直。業編柳者。窰地爲室。篝火其中。不知時日早暮。蓋治柳枝。必先柔之。以水剝其青膚。瑩白如蕘。乃可屈曲。見風則脆而折。故就窰室成之。老幼男婦。窮日所爲。入口乃可給也。橫上居民。專以織柳爲升斗量器。器良易售。云是有巧術。鄉黨相約。不得授法於女子。子恐女子嫁別邨。轉授夫婿。爭其業也。東安李志曰。俗尙文雅。人多技藝。沈鷺而有材力。重許諾。矜豪俠。質性厚重。香

河劉志曰。喪家延僧衆。作佛事。以薦亡者。道場或三日。或五七日。畢。送僧襯錢。僧必以十分之二。送還主家。凡土木工匠。日久亦然。至今如此。亦醇風之一端也。三河陳志曰。賓至則壺酒盤殮。絕無兼味。卽縉紳富室。亦略無靡麗。其習俗使之然也。甯河丁志曰。甯邑人多撲拙。然終歲勤動。游手好閑者絕少。各項工作。所操藝事。僅能成器備用。無有以近巧名者。而沿河莊戶。皆以結魚網爲業。得微利少。可自贍。耕種之區。親饁餉。佐耘耔。率以爲常。城薄下溼。地晝取茅。夜索絢。不減爾風景象。邇更勤於紡績。司中饋畢。聚家之老幼。姑率其婦。母督其女。篝燈相對。星月橫斜。猶軋軋紡車聲。達戶外也。昌平宋志曰。士則務實學。尙樸質。貧者多耕。以自養。舊志所謂足迹不入公庭。耳目不交市儉。非虛語也。農則山居之民。以果樹爲業。山外者。專務力田。然素鮮蓋藏。一遇凶年。支絀立見。房山佟志曰。城內不乘輿馬。無貴賤少長。出則於郭外乘之。入則至郭外。下輿馬。步入婚姻。不擇財勢。惟擇舅姑與壻之賢者相締。邇來有尙財勢。而晚多敗棄者。邑人每以爲戒。遇喪葬。務盡哀合禮。不以觀美爲悅。祭奠

盡誠。不以牲醴錯陳爲豐。賓客會飲。將敬而已。不以華綺重筵。互相炫耀。但醉狂豪呼。時露悲調。慷慨之概。不特貧賤單族。服飾不尙侈靡。卽富貴之家。祇期莊雅爲佳。較京師之繁褥。良涿之浮夸。稱最朴焉。一切器物。但取堅質適用而已。不以雕鏤金玉相競尙。渾噩之氣。獨留于巖邑。霸州周志曰。州西地皆平衍。民樹桑棗。勤耕織。然當諸河之衝。頻罹水患。東多水鄉。饒魚鹽。葦葦之利。南汙下沮洳。不得耕播。民多業漁。其俗樸野。愚鈍屈強。不肯屈折。每秋水泛濫。多棄業攜家。徙別所。郡北沙薄不宜穀。民種榆柳。植瓜果。與諸屯接壤。有軍衛風。保定成志曰。敦好禮義。崇尚廉恥。婚姻以時。隨其貧富。喪祭惟禮。稱其有無。錢糧如期而納。訴訟輸誠而理。不事浮靡之習。頗有篤實之風。其事均有足傳者。

冠禮。士大夫家子弟十六。父命加冠。或岳丈爲增加冠。

良鄉楊志

婚禮。先遣媒妁問名。取女年庚合婚。亦有男女親長作保親者。不以合婚。謂之撞婚。通州擇吉具紅柬。央媒衣冠上門。四拜獻柬。薊州沈志行定禮。用釵釧綉帛。及羊酒果餅。

等物。將娶。行聘禮。用衣飾及羊酒果餅等物。俗名下茶。又名過禮。將娶。先期。壻家備禮物。及雞席。送女家。曰催粧。女家送粧奩。仍以雞席歸壻家。曰鋪牀。粧奩豐儉。各稱其家。前一日。曰花燭。男女家俱有戚友。備禮稱賀。各設吉席款待。通州高志娶之日。男子親迎。陳設燈燭。鼓吹至女家。女家爲備酒醴敬迎。謂之喜筵。燕畢。女至壻家。夫婦同拜天地。行台巹禮。固安陳志娶之次日。女家送果品等物。曰點茶。三日復送席。曰餽飯。娶後幾日。行廟見禮。女家親戚。咸往壻家。曰會親。九日。女家迎壻女至家。曰回門。十八日。女家親戚。咸往壻家。曰作雙九。或女家復迎壻女至家。曰回雙。回九及一月。女家迎壻女至家。曰住對月。或壻先返。擇日送女歸。通州高志

喪禮。初喪。辟踊哭泣。扶尸于牀。覆衾其上。懸紙馬紙錢於門。固安陳志詣五道土地等廟。焚燒紙求魂。三日始殮。良鄉楊志屬纊含斂。男括髮。女去頭飾。乃成服。告於鄉社之廟。日三次。三日乃止。謂之報廟。書死者姓氏年月榜於門。謂之殃榜。固安宋志訃告親族。飯用不熟者。含。孝子衰麻。哭無時。一日。合家不舉火。不食。孝子浴親尸。而置米鹽錢物於

棺內殮入棺。柩停院中。上覆以棚。親友皆臨弔。孝子稽顙答拜。每逢七日。必備筵奠。

謂之做七七者。戚也。同安陳志世俗多修佛事。士大夫家亦有遵行文公家禮者。東安李志踰

月而葬。或有停喪至數年者。及窆葬。富者蓋席爲棚。家祭請題主。嗣后土。以文武甲

第主之。同安陳志發引前一日。戚友贈弔。曰封靈。士大夫家。延庠生行遷柩禮。發引日。喪

家或用僧道。士大夫家或用庠生於途。行遣奠禮。戚友束帛素服送殯。或設路祭。或

設祭品於墓所。曰山頭祭。通州高志喪家散孝。有孝袍孝帽。貧者設奠而已。亦設孝帽。同安

葬。實土。或墳封而不樹。三日。孝子增築新土。謂之圓墳。亦謂之煖墓。通州高志至清明

日。必填墳。持喪二十七日。百日不薙髮。遵制與京師同。同安陳志送喪。有擬司會。以其法

度整肅。擬于官司也。鄉人或二三十人。多寡不等。各爲一朋。每朋推年尊者三人爲

長。次又推一人爲主事者。司出納。衆咸聽約束。一會各出銀錢。主事收掌。遇各人及

親識有喪。則約齊於晡時往弔。量出會錢。以爲奠贖。謂之生宿。發引時。各具幡幟。會

送。凡行禮坐立。皆以齒。拜跪參差者有罰。冠裳秩秩。少長隨行。殊可觀也。順義高志

祭禮。士大夫家。凡有廟堂者。祭於廟堂。無廟堂者。室中設一龕。奉神主。逢節祭拜。朔望焚祝。出入祇告。四時供鮮。生子娶婦。諸事必祭之。良鄉志清明節。祭掃先塋。懸掛紙。放起花。奠於墓所。比戶皆然。同集家廟。廣設几筵。合族會食。歡洽竟日。亦有取次分門。在家會飲者。七月十五日。獻麻谷。十月一日。送寒衣。除夕。新節元旦。懸像設供。家家致祭。遇祖先忌日。請主在堂。具牲醴。舉家拜奠。三年服闋。肅僮相。備獻儀。祝告先靈。易凶從吉。不煩不怠。猶有古風。甯河志歲時。正日五更時。農家秣稻一節。壁開。依次挖十二孔。以配十二月。卽以大豆十二枚。置其中。線纏合之。質明開視。數空。某月豆漲大。則某月多雨。無不驗者。清晨牽驢一頭。隨喜神方位。驅之。謂之迎喜神。固安志祀神祇。先換新衣。謁官師拜尊長。親識往來交拜。候陰晴。觀日色。以占年月。諺曰。款預治饋蔬。三日內不煮生不煎炒。迎喜神貴神。良鄉志初二日。每家於祖塋焚紙錢。行四拜禮。固安志初七日。日攜酒登高。良鄉志自一日至十日。以陰晴卜六畜入穀。葉果之豐耗。三河志元夕好事者。先期按戶斂錢。爲燈燭費。謂之燈會。固安志十五至三十。三里二河。

娘娘廟。有廟場香會。高州志十六日爲耗磨日。宜飲酒。忌開倉庫。東安志久患眼疾。以艾

炙瓦窰即愈。房山志二十五日。俗以爲倉官誕辰。用柴灰攤院落中爲圓形。或方或圓。

中置爆竹以震之。謂之漲囤。又謂之填倉。永清志二月初二日。龍抬頭節。人家以石灰

引白龍。入以小灰。引黑龍出。亦有以小餵食祀者。甯河志以水和麵如粥。置油於釜。熟

食之。名曰煎餅。固安志自初一至初三。各置土地廟。演戲祀神。十九日北壩菩薩廟。有

廟場香會。高州志三月三日。病創者。多以長流水洗之。即古人修禊遺意。涿州志初二日。

孤山廟。有廟場香會。高州志清明。各祭於先塋。加新土。供牲禮。焚紙錢。祭畢。乃燂饌。享

餽餘。少長咸集。謂之清明會。固安志有喪之家。三年內。於春首戊寅日以前。祭新墳。不

過天赦日也。高州志自十七至十九。楊富店娘娘廟。有廟場香會。高州志二十六日。俗稱

爲本縣城隍生日。相率賽會奉神像。導以鼓樂旗旛。迎於街。及廟而止。永清志二十八

日。俗爲東嶽誕辰。州人詣北關東嶽進香。涿州志留台光三元宮廟會。房山志自二十七

至二十九。東嶽廟。有廟場香會。高州志穀雨。貼逐蝎圖於壁。以壓之。東安志四月。自初一



至十五。宏仁橋娘娘廟。張灣廣福寺。俱有廟塲香會。高州志俗不養蠶。婦人無事。自初

春時。卽治秋令衣服。必於此月告竣。固安志初八日。登崆峒山。賽崔府君神。薊州志十八

日。天開娘娘廟會。房山志登五名山。賽聖母會。薊州志草寺娘娘廟。有廟塲香會。高州志二

十六日。本縣城隍生日。賽會。順義志二十七、八日。城內外四處藥王廟。有廟塲香會。通州志

高州志男女上廟進香。絡繹於道。東安志北闕九神廟。有廟塲香會。通州志五月初一日。本州

城隍。自四月晦日。至初一日。廟塲香會。里二泗娘娘之廟。亦於初一日。有廟塲香會。通州志

高州志端午日。城邑皆佩艾葉。飲雄黃酒。食角黍。親友交餽。邨中第食角黍而已。固安志

繫采絲於小兒背。謂之長命縷。東安志十三日。爲關帝誕。自初一至晦日。王恕園關帝

廟。有廟塲香會。通州志夏至。戴草麻子葉。長命菜。卽馬齒莧也。涿州志六月六日。汲水浸

物。經久不壞。陳志曝書及衣服。爲沐電會。固安志曝衣。高州志農家以土穀神掛於地頭。

名曰掛土地頭。香河志十七日。俗稱本州城隍誕。有廟會。通州志二十三日。賽火神廟。薊州志

二十四日。爲分龍會。固安志七月七日。婦女乞巧。投針於水。借月影以驗工拙。良鄉志

至夕。設瓜果酒脯。祭織女。固安志十五日。作盂蘭會。放河燈。固安志或於衢路。日旱。造燈。

東安志攜楮錢。登隴墓祭奠。固安志八月二十八日。城隍誕辰。賽會。薊州志九月九日。鄉農

散工。開六畜欄。牧于田野。陳三河志冬至日。行釋菜先師禮。懸像。或設主。師生以次對拜。

奠獻畢。敬徹像。主則跪焚之。弟子拜先生。窗友交拜。謂之拜冬。固安志臘月八日。臘八

粥。必於五更以前食之。俗傳食粥早。則五穀之收成亦早。固安志除日。各隨家之貧富。

豫備酒餼果物。以給新歲之需。易門神桃符。貼春聯。以祓不祥。居喪之家。必登門拜

之。謂之拜孝年。至朝。則日高三丈。猶閉戶不出也。

### ▲ 山東

#### ● 濟南

泰山之陽則魯。其陰則齊。帶礪山海。高壤數千里。宜五穀桑麻。多文采布帛魚鹽。其

俗寬緩闊達。而足智。好議論。地重難動搖。史記俗彌奢。織作冰紈繡綺純麗之物。號爲

冠帶衣履天下。漢書齊部舒緩養名。漢書朱水道遒勁而急。故其民粗而好勇。管子齊郡

風俗。男子多務農桑。崇尚學業。附齊固爲文學之國。然亦以朋比夸詐。見於習俗。

齊州詩序濟南人敦厚。闊達多大節。元程口遂問堂記

歷城縣。重農桑。崇學業。樂輸將。敦氣節。其大較也。而四鄉三關。風尚各異。南鄉務耕牧。椎魯畏法。而近關雜處。人多剽悍。東鄉習耕讀。聰察善訟。俗號殷富。士多出仕。而近關者。稍樸鄙。西鄉亦務稼穡。知誦讀。近關之士。多雅秀而文。然稍失之。蓋北鄉則專治畦圃。敦樸無他營。最爲近古。邑志

章邱縣。關廂士民雜居。商賈輻輳。營機利。多阻險。西錦平曠。俗勤耕作。東北爲青平鄉。多業桑。蠶成織紗絹。爲利不貲。南則東錦清河上下。菱芡葦蒲均資其利。西南夾山而居。卽依山爲業。士知讀書。好吟咏。女勤織紡。奮節義。邑志

鄒平縣。民業農桑。士知禮義。性儉樸。居處不事商賈。婦女蠶桑之外。兼務紡績。婚娶視家豐。齋爲禮。喪葬頗崇外飾。邑志

淄川縣。自昔崇尚經術。敦勵名節。今其俗猶循禮讓。急租賦。僞名詞翰。印於他邑。

歲時伏臘。尚不失先民遺義。而喪葬則專事繁華。邑志

長山縣 民無遊惰。務農桑而輕貿易。士絕奔競。尚文學。而重婚姻。邑志

新城縣 文學彬彬。甲於他邑。民朝免襁負。夕秉耒耜。無敢淫佚。婦則布襦蓬首。操作恐後。士眈吟唔。嚴尚師友。薄婚娶而厚於喪禮。重交際而儉於居恆。殆古風之猶存者。邑志

齊河縣 士大夫崇尚禮讓。不事干謁。庶民男耕女織。茹糞被毳。少有牽牛服買於遠方者。嫁娶喪葬之禮秩。由舊士口口口不務紛華。口口修之暇。門外口口力於南畝。淳朴之風亦概可見矣。邑志

齊東縣 貴禮尚義。長老有勤儉之範。子弟多綽誦之風。見劉敏中齊東學記婦女務蠶績。一切公賦。終歲經費。多取辦於布綿。邑志

濟陽縣 士好經術。矜名節。民務農桑。負意氣。婚喪相助。獎善嫉惡。不遺餘力。猶爲直道而行者。邑志

禹城縣 祝阿縣俗。賓婚大會。餼饌雖豐。至於蒸膾。嘗之而已。多則謂之不敬。共相誚責。此其異也。見隋書 作息隨朝暮。耕鑿供飲食。農餘恣譌謔。擊壤忘帝力。恍如唐虞

民。那知齊魯域。見任宗美詩

臨邑縣 生齒繁盛。習尚淳龐。地無遺利。人貫貿易。隣里親黨。洽比一堂。疵賤不受

非笑。尊富不事矜夸。詩書之業。比屋彬彬。絃誦之音。噉於絲竹。士多知恥。同事干

謁。男耕女織。外內克勤。急公趨賦。無用督責。俱見縣志

長清縣 淳厚不佻。男多愿慤之行。女無豔冶之飾。薦紳多高尚。上厲廉隅。甘退讓。

有古禮教之遺。民務樵采。種菜茹。勤紡織。皆有事猷。畝以自食其力。無輕去其鄉者。

又其俗急公賦。而拙於生殖。冠婚喪祭。各成禮。弗爲鄙尙。而財用較他邑獨貧。古所

稱士敦工樸。商慤女口。庶幾近之。邑志

陵 縣 平原故址。其地無高山危巖。其野少荆棘叢雜。馬頰高津。經流直下。無委

蛇旁分之勢。故其人情。亦平坦質實。機智不生。北近燕而不善悲謔。南近齊而不善

誇詐。民醇俗茂。悃悃無華。見邑志序

德州。當水陸之衝。五方雜揉。語言嗜好。亦區以別。齊魯風教。猶存。故士庶廉

恥。敦禮義。庸人婦女。亦知盡孝仗節。人文颯起。名卿蟬聯。實甲山左。俱見州志

德平縣。人尚忠勇。家業農桑。風俗淳厚。惜其小民。猶有頑梗好訟者。志

平原縣。崇孝弟。惜廉恥。畏刑辟。習儉素。鄉之長老。多厚重謹。願讀書敦本。實其仕

進。卒砥礪名節。農工商賈。皆務敦篤。不敢犯非分。婦人亦慎內閑。而修女職。無論貧

富。於古蓋庶幾焉。惟婚嫁喪葬。專事華麗。志

● 兗州

周以少昊之墟。封伯禽爲魯侯。其民有聖人之教化。瀕洙泗之水。其民涉渡。幼者

扶老者。而代其任。俗旣益薄。長老不自安。與幼少相讓。故曰魯道衰。洙泗之間。斯

如也。孔子乃修六經。以追述唐虞三代之道。弟子受業而通者。七十有七人。是

民好學。尚禮義。重廉恥。地他陋民衆。頗有桑麻之業。無林澤之饒。俗儉嗇。愛財。其

賈好詩。毀多巧。僞喪祭之。□□備實寡。然其好學。猶愈於他俗。俱漢書。□人重織作機。

杼。□□□唐李白詩。人務耕桑。樸而不華。有古風趣。圖經。兗州舊界。介於河濟。地非險固。口

雜數國。秦漢以降。政理混同。人情樸厚。俗有儒學。文獻通考

滋陽縣。士風和厚。雍容不事奔競。民亦畏法。爲狙詐習。婚喪從儉。衣服布素。有先

王之遺。邑志

曲阜縣。韓宣子謂周禮盡在魯。漢高祖謂守禮義之國。今時代雖遠。而冠婚喪葬。

一稟典禮。古道犁然。宛乎周情孔思焉。邑志

寧陽縣。士敦禮讓。勤詩書。不事虛名。非公事不履縣庭。衣冠咸尙朴質。尤急公輸

稅。以爲齊民倡。民多椎魯。家務耕鑿。邑志

鄒縣。鄒人東近沂泗。多質實。南近滕魚。多豪俠。西近濟甯。多浮華。北近滋曲。多

儉尚。邑志

泗水縣。周孔之教。衣被獨多。士廉而樸。不習進趣。民質而惰。不喜登藏。國民之業。

農居六七。賈居一二。婚姻稱家。烝嘗燕會。奢儉得中。邑志

滕縣 自齊封田文於薛。爲孟嘗君。而好士。招天下任俠姦人入薛中。六萬餘家。故其俗多桀鷖子弟。漢興。叔孫通明禮樂。諸弟子共口。於是翕然大變。彬彬乎鄒魯之舊矣。邑志

嶧縣 簡樸。務稼穡。士亦循循慕學。有古風。嶧故郟小。春秋以降。逮於明季。變更不一。其質直懷義類魯。其寬緩闡達類齊。其輕剽任氣類楚。雖洙泗之教。猶在人心。而遷染於諸國者。亦多有之。邑志

金鄉縣 地大人稠。俗樸風古。見方輿勝覽 士專絃誦。民務耕鋤。厚重似西北。而不傷於

僂。文采似東南。而不傷於侈。邑志

魚臺縣 古之方與。壤接豐沛。在漕河之旁。地多沈斥。其俗謹厚畏法。詞訟甚簡。嫁

娶省約。不論財賄。見郡邑志

濟甯州 士俗古遠。風流清高。賢良間生。掩映天下。君子以才雄自高。小人則鄙野



難治。青衿向訓。黃髮循禮。耒耜就役。農無游手之夫。機杼和鳴。織罕嘯哦之女。李俱唐

在城廳壁記

嘉祥縣 絃歌舊地。聖澤猶存。文學蔚興。名賢輩出。俗尚淳厚。民多務本。惟魯文

少。甯野之風。猶有取焉。見邑志序

汶上縣 文俗寬博。易直不爲小。文有大國之風。負山而居者。守桑麻之業。其餘瘠

土。亦勤於稼。而瀕汶一帶。擅水土之饒。氣盈計廣。奢詭互用。近漕比廬。仰食機利。西

鄉則宜木綿。紡車之聲。聞於四境。距城二百里許。土曠民悍。視貧郭者。如異地然。邑志

陽穀縣 土多厚溼。半爲沙礫。無山林之沃。邑少科甲。士民勤儉。無所紛華。唯居秋

者稍侈靡。良民早輸租賦。重犯法。士大夫尤爲近古。口訕上好口口。俱見邑志

壽張縣 邑僻而狹。壤多瀉鹵。士風儉樸。與陽穀同。而仕宦之族爲盛。亦多在張秋

云。邑序地雖褊小。實近聖居。其被洙泗杏壇雅化更切。戶口雖少。男耕女織。恆求好慝

之念不作。學校諸生。義路禮門。夤緣請託之事不爲。見邑志序